



साःगु भिंगु मरिचरिया निति लुमका दिसें !

लक्ष्मण गमाल 'चिलिमि' प्रोप्राइटर

लाखा छेँ
LAKHA CHHEN

सोह्रखुट्टे, वडा नं. १६, येँ, फोन नं.: ४५६०७५८

थुकि दुने

बसन्तपू दबुलिं प्रमया उद्घोष :
नेवाः अध्ययन अनुसन्धान प्रतिष्ठान दय्केगु

• सुरेन्द्रभक्त श्रेष्ठ - २

नेपालभाषाए मंकाःखः दूगु छुं
खैग्वःत-१

• दानदास श्रेष्ठ - ३

न्यायिक समितिया प्रभावकारीताय हाथ्या

• सुनिल महर्जन - ६

जनबहाःद्यःया रथजात्रा

• ब्लोअप ४ - ५

बुंगद्यःया प्रतिमूर्तिया नामय राजनीति

संस्कृतिया नामय लबः कायगु कुतः

नेपाःया दकले ताःहाकःगु जात्रा कथं बुंगद्यया रथयात्रायात काइ। थ्व हे बुंगद्यःया प्रतिमूर्ति किपुलिइ तय्धुंकाः न्ह्याःगु विवाद प्यला बीधुंकलं नं ज्यनेमफुनि। बुंगद्यःया प्रतिमूर्ति दय्काः आःतक्क सार्वजनिक थासय् तःगु इतिहास मदुनि। किपू २ स्थित प्यंगःथामय् प्रतिमूर्ति स्थापना याय्धुंकाः प्रतिमूर्ति तय्ज्यू वा मज्यू धकाः सार्वजनिक बहसया विषय जूगु दु। किपूया सुखी गःछेँ समाजया अगुवाईल्य वंगु मंसिर १५ गते विहीबाः उगु मूर्ति स्थापना याःगु खः।

वयां न्ह्यः यलया महाबौद्ध परिसरय् छू समारोह दथुइ येँ महानगरपालिकाया मेयर बालेन्द्र शाहं उगु मूर्ति हस्तान्तरण याय्धुंकाः सलंसः भक्तजनलिसें मूर्ति किपूपाखे यंकूगु खः। महानगरपालिकाया करिब १७ लाख तकाया ग्वहालिइ मूर्तिकार लिसें सम्पदा अभियन्ता रवि शाक्यं उगु मूर्ति दय्कूगु खः।

वधुंकाः बुंगद्यःया प्रतिमूर्ति दय्कूगु धासें हयग्रीव भैरवनाथ अले ३२ पानेजु संघ, बुंगमती मंसिर १९

गते विज्ञप्ति पिथनाः विरोध याय्धुंकाः विवाद न्ह्याःगु खः।

बुंगद्यःया रथयात्राया इवल्य थिति त्वालं जाह्वलाख्यः यंके प्यन्हु न्ह्यः पानेजुपिं किपुलिइ वनाः याकःमिसायाथाय् स्वां छाःवनेमाःगु परम्परा दु। किपुलिइ मूर्ति स्थापना याय्धुंकाः धाःसा उगु थासं मूर्ति मचीकूतल्ले अन स्वां छाःमवनेगु अडान पानेजुपिंसं तःगु खः। बुंगद्यःया मूर्ति तन्त्रसाधनालिसे स्वाःगुलिं मेगु स्वयां फरक जुइगु पानेजु संघया नायः यज्ञरत्न



शाक्यया धापू दु। 'सलंसः दै न्ह्यःनिसें बुंगद्यःया पुजारी (जल पानेजु) वनाः शाक्ति स्वरूपा याकःमिसायात प्रसाद ग्रहण याकेगु थासय् हे प्रतिमूर्ति तल।

याकः मिसायाथाय् प्रतिमूर्ति तय्धुंकाः व हे थासय् बुंगद्यःयात ल्यूने तयाः पुजारी याकःमिसायात प्रसाद बीमाःगु ल्यं ७ पेजय्

सञ्चार क्षेत्र समावेशी दय्केत उपराष्ट्रपति यादव प्रतिबद्ध

उपराष्ट्रपति रामसहायप्रसाद यादव देय्पाः, लोकतान्त्रिक संघर्षलिसें जनतां याइगु हरेक आन्दोलनय् सञ्चार क्षेत्रया महत्वपूर्ण भूमिका दुगु धासें सञ्चार क्षेत्र पूर्ण समावेशी दय्केमाःगुलिइ बः बियादीगु दु। नेवाः पत्रकार राष्ट्रिय दबूया प्रतिनिधितलसे बुधबाः

लैनचौरस्थित नापलानाः जूगु खैल्हाबल्हाय् वय्कलं थथे धयादीगु खः।

राष्ट्रपति यादव सामाजिक न्याय, लोकतन्त्र व ह्यूपाःया लागिं सञ्चार जगतया भूमिकायात च्छासें सञ्चार क्षेत्र समावेशी जूसा उकिं यक्व

ल्यं ७ पेजय्

Trendiest Fashion At Price You Love

ufo THE CHANGING STORE

ADDRESS: GOSWATTI, NEAR BANGALORE

तान्वःया पासा कुल्फी/आइसक्रीम भपिया दिसें।

Himalayan Ice

घौ, दुरु, द्यः, बटर व क्रीम बजारय् उपलब्ध दु

मुर्चीवनायक नगरपालिका वडा नं. १, सिकदर भान्सार, ख्वप
९८४९६४८६२५, ९८०८६०८७२५



नेवा: राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्टयलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिलिमिलिं
राष्ट्र भःभः धाय्क न्ह्याके भीगु चःति भीगु हिं

सम्पादकीय



हाकनं छकः 'ल्वाकीपिं व ल्वाइपिं भी'

थनथाय् भाजु राजेन मानन्धरं च्वयादीगु छपु लेखया छयं
लुमना वयाच्चन, 'ल्वाकीपिं व ल्वाइपिं भी'। छपुचः दयाच्चनी
अथवा धाय् सुं दयाच्चनी, सुया ज्या हे जुइ ल्वाकेगु। मेपिन्त
ल्वाकातय्गुलिइ व पुचः वा मनूया थीथी उद्देश्य दय्फु। रेसलिङ्ग
स्वयाः न्ह्यइपुके थें मेपिन्त ल्वाकाः मनोरन्जन काय्गु उद्देश्य
नं जुइफु। मेपिन्त ल्वाकाः निगू पुचः फायाः उकी दथुइ थम्हं
छुं कथं आर्थिक लबः काय्गु हे उद्देश्य नं जुइफु। अले मेपिन्त
ल्वाकाः थः नेतागिरी यानाः हिरो जुइगु उद्देश्य नं जुइफु।
ल्वाकेगुया उद्देश्य आपालं दय्फु तर, ल्वाकीपिं स्वयां ल्वाइपिं हे
मुखं खः धाःसा छुं पाइला ? सखे, पाइमखु जुइ।

भीत ल्वाकेगु कुतः हरदम जुयाच्चंगु दु। चाहे, स्वन्ति
अथवा सापारुया तिथि विवाद ह्यां जिल ला, चाहे लकडाउनय्
बुंगद्यःया जात्राया खँ कयां जिल ला, नेवाःतय् न्ह्याबलें ल्वाका
हे च्वंगु दु। आः राजनीतिक आस्था व धार्मिक आस्थायात कयाः
ल्वाकेगु ज्या ला सदाबहार खँ हे जुल। आः वयाः ल्वाकीपिनि
अथवा ल्वाकीम्हेसिनं न्हगु विषय लुइकूगु दु, किपुलिङ्ग याकः
मिसालिसे बुंगद्यःया प्रतिमूर्ति स्थापना।' थौकन्ह्य् क्वानाच्चंगु
अले नेवाःत ल्वानाच्चंगु विषय थ्व हे खः। अले सुयां नितिं
न्ह्यइपूगु व नेवाः समुदायया नितिं म्हाइपूगु व मछालापुस्सेच्चंगु
हे धाःसां ज्यू, भी नेवाःत ल्वाना नं च्वनागु दु।

बुंगद्यः धयाकथं नेपाःया हे म्हासीकालिसे स्वानाच्चंगु खँ
खः। सकल नेवाःतय्गु आस्था स्वानाच्चंगु दु। धर्म व आस्थाया
दथुइ त्यःमन्यः, ज्यू मज्यू धइगु खँ स्वाभाविक खः। किपुलिङ्ग
याकः मिसायात छाय् याकः मिसा धाल धइगु खँ नं बुंगद्यःलिसे
स्वानाच्चंगु किम्बदन्ति समाजय् प्रचलित हे दु। व हे कारणं
पानेजुपिन्सं किपुलिङ्ग बुंगद्यःया प्रतिमूर्ति तय्बलय् बुंगद्यःया स्वां
याकः मिसायात छाःवनेमाःगु औचित्य मन्त धकाः विरोध यात
खः। बुंगद्यः व याकः मिसा नापं तय्बलय् याकः मिसाया महत्व
हे मदइगु खँ नं नकारे याय् ला मछिं। थ्व हे हुनि पानेजुपिन्सं
विरोध यात धकाः लाक्वपाक्व धाय्गु, सामाजिक संजालय्
पानेजुतय् नापं किपूमितय् ब्वः बियाच्चनेगु हिसि दुला ?

उकिया नापं बुंगद्यःया प्रतिमूर्ति दय्काच्चंगु ला न्हापा
हे मस्य्गु मखु। सामाजिक संजालय् खँ ला पिदना हे च्वंगु
खः। अथेसां किपुलिङ्ग बुंगद्यः तय्मज्यू धाःपिं न्हापा छाय् सुम्क
च्चनाच्चन ? न्हापा हे छाय् मज्यू मधाल ? छु, बुंगद्यः दय्के
सिधय्काः किपुलिङ्ग तय्हइ अले विरोध याय् धकाः हे पियाच्चंगु
ला ? थनथाय् कमजोरी निगुलिं पक्षया खनेदु।

आः बुंगद्यः दय्के हे धुंकाः छगू पुचःया ला आस्थाय् ध्वःगु
नं दु, मेहनत नं सितिं वंगु दु। विकल्पय् सहलह जुइमफूगु दकले
तःधंगु कमजोरी खः। नापं, व कमजोरी ल्वाकीपिनिगु नितिं
तःधंगु ह्वःताः खः। थ्व खँय् वाःचाय्काः ल्वाकीपिन्त लबः
बियाः नेता दय्काच्चनेगु स्वयां निकासपाखे वनेत निगुलिं पुचः
लचक जुइगु हे बांलाइ।

बसन्तपू दबुलिं प्रमया उद्घोष :
नेवाः अध्ययन अनुसन्धान प्रतिष्ठान दय्केगु

सुरेन्द्रभक्त श्रेष्ठ

नायः, हलिं नेवाः दबू नेपाल च्याप्टर

‘हलिन्यंक च्वपिं नेवाःतय्
दथुइ सहकार्य व समन्वय यायूत हलिं
नेवाः दबू नीस्वंगु धइगु लसताया
खँ खः। भीसं नेपालय् हलिं नेवाः
दिं हनावयागु दुसा नेपालं विदेशय्
वनाच्चपिं नेपाःमितय्सं थीथी ज्याइवः
यानाः मेमेगु देशय् नं हनावःगु दु। उकिं
आः थ्व दिं हलिं नेवाः दिं जक मखसें
नेपाल दिवस हे जुयावनाच्चंगु अनुभूति
बांलाक खनेदु।

नेवाःतय्गु सभ्यता, इतिहास
व सांस्कृतिक अनुसन्धान यायूत छगू
अनुसन्धान समिति वा छुं नं कथंया
प्रतिष्ठान दय्के जरूरी दु धकाः थन
अध्यक्षपाखे खँ वःगुलिं जिगु ध्यान
गम्भीर रुपं आकर्षित जूगु दु। जिं
नेवाःतय्गु सभ्यता, संस्कृति, इतिहास,
भाषा, साहित्य व कलाया नितिं
नेवाःतय्सं याःगु अनवरत संघर्षयात
जिगु उच्च सम्मान दु। उकिं जिं छगू
अनुसन्धान प्रतिष्ठान दय्केगु खँय्
छिकपिनिगु न्ह्यःने प्रतिवद्धता व्यक्त
यानाच्चना। उगु प्रतिष्ठान नेवाःतय्गु
जक मखसें सकल नेपाःमितय्गु हे
जुइगु विश्वास नं प्वंकाच्चना।

खुक्वःगु हलिं नेवाः दिंया
लसताय् ऐतिहासिक थाय् बसन्तपुर
दबुलिइ जूगु ऐतिहासिक ज्याइवलय्
मू पाहां कथं भायादीमह सम्माननीय
प्रधानमन्त्री पुष्कमल दाहाल ‘प्रचण्ड’
ब्यूगु अभिव्यक्ति खः थ्व। न्हापांनिसं
भीसं भाषा, कला, संस्कृतिबाबारे
छगू अनुसन्धान केन्द्रया परिकल्पना
यानाच्चनागु खःसा खुक्वःगु हलिं
नेवाः दिंया लसताय् वय्कलं प्वंकूगु
प्रतिवद्धताप्रति भी सकल नेवाःतय्सं
गर्व याय्गु थाय् दु। आः सकल
नेवाःत छथाय् मुनाः सहलह ब्याकाः
थुगु अनुसन्धान केन्द्र दय्केगुलिइ
न्ह्यज्याय्गु ई वःगु दु। याकनं हे
थुगु केन्द्र दय्केत ज्या न्ह्याकेमाःगु
आवश्यकतायात थुइकाः विज्ञतय् दथुइ
सहलह यायूत कार्य समिति थें दय्काः
वनेमाःगु खनेदु। प्रधानमन्त्रीयात याकनं
हे नापलानाः अनुसन्धान केन्द्र दय्केत
पहल याय्माःगु खनेदु।

हलिं नेवाः दबू सन् २०११य्
नीस्वंगु खः। डा. बालगोपाल श्रेष्ठया
नेतृत्वय् लण्डनय् न्हापांगु तःमुँज्या
क्वचाःगु खःसा सन् २०१६य् निक्वःगु
तःमुँज्या बाल्टिमोरय् व २०१९य्
स्वक्वःगु तःमुँज्या नेपालय् जूगु खः।
उगु तःमुँज्यां सिजन श्रेष्ठयात नायः
ल्यःगु खः। सन् २०२२य् अमेरिकाया
न्यूयोर्कय् जूगु प्यक्वःगु तःमुँज्यां संयुक्त

श्रेष्ठयात नायः ल्यःगु खः। अथे हे,
सन् २०११य् नेपालय् हलिं नेवाः दबू
नेपाल च्याप्टर नीस्वंगु खःसा न्हापांगु
तःमुँज्यां नरेन्द्रभक्त हाडायात नेपाल
च्याप्टरया नायः ल्यःगु खः। अथे
हे, २०१६य् निक्वःगु तःमुँज्यां भाजु
पुष्कर माथेमायात नायः ल्यःगु खः।
वयां लिपा नेपाः च्याप्टरय् शाक्य सुरेन
नायः जुयादीगु खःसा सन् २०२२य्
जूगु प्यक्वःगु तःमुँज्यां जितः नायः
पदय् ल्यःगु खः।

हलिं नेवाः दिं हनेगु ज्या धाःसा
सन् २०१८ निसें जक न्ह्याःगु खः। सन्
२०१६य् नायः सिजन श्रेष्ठजुं ‘हलिमय्
न्ह्याथाय् च्वंसां भी नेवाः’ धकाः हलिं
नेवाः दिंया परिकल्पना यानादीगु खः।
अथेसां २०१८ य् नेपालय् निन्हुयंकं
जूगु ग्लोबल कन्फरेन्स यानाः न्हापांगु
हलिं नेवाः दिंया श्री गणेश जूगु खः।
न्हापांगु हलिं नेवाः दिं व ग्लोबल
कन्फरेन्सया कजि कथं तत्कालीन
केन्द्रीय न्वक् दयारत्न शाक्यजु
च्चनादीगु खः। अथे हे, निक्वःगु हलिं
नेवाः दिं २०१९ य् नेपालय् हे तःजिक
ज्याइवः यानाः हनागु खः। निक्वःगु
हलिं नेवाः दिं यें महानगरपालिकाया
तत्कालीन मेयर भाजु विद्यासुन्दर
शाक्यपाखे उलेज्या यानाः भब्य व
सभ्य रुपं तःजिक क्वचाय्कागु खः।
निक्वःगु हलिं नेवाः दिंया नापनापं
स्वक्वःगु केन्द्रीय तःमुँज्या नं नेपालय्
हे जूगु खः। उगु तःमुँज्याया भाला
नेपाल च्याप्टरं कयागु खःसा रश्मिला
प्रजापति व जितः कजि ल्यःगु खः।

२०२०य् याय्माःगु स्वक्वःगु
हलिं नेवाः दिं ‘कोभिड महामारी’
या हुनिं स्थगित याय्माःगु खः। सन्
२०२१य् स्वक्वःगु हलिं नेवाः दिं
ऐतिहासिक थाय् बसन्तपुरय् तःजिक
क्वचाय्कागु खःसा उकिया कजिया
भाला नं जिं हे कयागु खः। तत्कालीन
यें महानगरपालिकाया मेयर विद्यासुन्दर
शाक्यजुपाखे उलेज्या याकाः हनागु
खःसा सन् २०२२य् न्याक्वःगु हलिं
नेवाः दिं नरेन्द्र प्रधानया कजिसुइ येंया
मरुहिंति ब्याक्वेटय् तःजिक ज्याइवः
यानाः हनागु खः।

अथे हे, थुगुसी खुक्वःगु हलिं
नेवाः दिं हनेगु नितिं नेपाल च्याप्टरया
न्वक् रमेश मुनिकारया कजिसुइ समिति
दय्काः निला न्ह्यःनिसें तयारी
न्ह्याकाः येंया बसन्तपुरय् तःजिगु
समारोह यानाः क्वचाय्केत ताःलाःगु
खः। उगु हे ज्याइवलय् अथे हे,
राष्ट्रिय, अन्तर्राष्ट्रिय स्तरय् योगदान
बियाच्चनादीपिं १४मह व्यक्तित्वतय्
दोसल्लां न्यय्काः सम्मान नं यानागु
खः। व इवलय् न्याय ख्यलय् योगदान
बियादीमह प्रधानन्यायाधीस कल्याण
श्रेष्ठ, सुरक्षापाखे पुलांमह सशस्त्र
प्रहरी बलया महानिरीक्षक सिंह
बहादुर श्रेष्ठ, नेपाली सँकिपा ख्यलय्
नेपाःया न्हापांगु सँकिपा ‘आमा’ या
आमा चैत्यदेवी सिंह, समाजसेवी
सुवर्णकेशरी चित्रकार, वरिष्ठ संस्कृति
एवम् इतिहासविद् डा. त्रिरत्न मानन्धर,
वरिष्ठ हस्तकला कलाकार चिनकाजी

ताम्रकार, वरिष्ठ उद्योगपति व व्यवसायी
रुपज्योती कसाः, वरिष्ठ फोटो
पत्रकार नातिकाजी महर्जन, वरिष्ठ
गणितज्ञ ज्योतिष देवनारायण महर्जन,
वरिष्ठ पर्यटन व्यवसायी कर्ण शाक्य,
वरिष्ठ साहित्यकार मथुरा सायूमि,
वरिष्ठ कुटुम्बिकार एवम् शिक्षाविद्
केदारभक्त माथेमा, अन्तर्राष्ट्रिय
रेसलिङ्ग कासामि मुना श्रेष्ठ (लेडी
ड्रागन) व संस्थागतपाखे कास्की नेवाः
खलःयात हनेगु ज्या जूगु खः। व हे
कथं, भिन्न्याद्वः तका राशीलिसंथा
स्वक्वःगु रमेश ताम्राकार लुमन्ति
सिरपाः नांजाःमह म्येहालामि प्रवेशमान
शाक्ययात लःल्हाय्गु ज्या जूगु खः।
जनकबि दुर्गालाल श्रेष्ठजुयात हलिं
नेवाः दबू केन्द्रपाखे ‘हलिं नेवाः
अभिनन्दन’ सम्मान छायेपियागु खःसा
‘चिनियामह किसिचा’ सफूया कविता
वाचन याःपिं १६गू स्कूलया २२मह
विद्यार्थीतय् दसिपौ लःल्हाय्गु ज्या
जूगु खः।

थुकथं खुक्वःगु हलिं नेवाः दिं
तःजिक हनेत ताःलात। खुक्वःगु हलिं
नेवाः दिंया दकले तःधंगु उपलब्धी
धयागु हे नेवाः अध्ययन अनुसन्धान
प्रतिष्ठान दय्केगु नितिं प्रधानमन्त्रीपाखे
वःगु प्रतिवद्धता हे धाय्बलय् अत्युक्ति
जुइमखु जुइ। उकिया नापं ज्याइवलय्
प्रधानमन्त्रीयात प्यताजि माग
न्ह्यब्वयागु दुगु खः। उगु माग नं थन
न्ह्यब्वय् सान्दर्भिक जुइः

१. नेपाः त्वःता पिने च्वनाच्चपिं
गैर आवश्यक नेपाःमित थःगु मातृभूमि
नेपालय् वइलबय् छुं नं समस्या
मजुइकथं नयूत, च्वनेत उपयोग जुइकथं
नेवाः कम्प्यूनिटी सेन्टर (छें) दय्केत
नेपाल सरकारपाखे पहल याय्माःगु।

२. हलिं नेवाः दबू प्रभावकारी
रुपं न्ह्यज्याकार्यकेत २ करोडया
कोष स्थापना यायूत सरकारपाखे पहल
यानाबीमाःगु।

३. दैय्दसं मार्च महिनाया
लिपांगु शनिबाःकुन्हु हनावयाच्चनागु
‘हलिं नेवाः दिं’ नेपाल सरकारपाखे
पिदनीगु क्यालेन्डरय् दुथ्याकेमाःगु।

४. नेवाः संस्कृति, कला
व बास्तुकलाया अध्ययन व
अनुसन्धानया नितिं छगू संस्था
अपरिहार्य जूगु अवस्था दु। उकिं हलिं
नेवाः दबूया प्रतिनिधित्व यासें नेवाः
संस्कृति कला व बास्तुकला अध्ययन
केन्द्र’ स्थापनाया लागिं उचित पहल
याय्माःगु।

थुगु प्यताजि माग पूवन धाःसा
उकिया लबः समग्र नेवाः समुदाययात
हे दइगु खः। अय्जुगुलिं थ्व माग
हलिं नेवाः दबू नांया संस्थाया जक
मखसें, हलिमय् च्वपिं हरेक नेवाःयागु
खः धकाः भीसं थुइकेमाः। प्यताजि
मागमध्ये अध्ययन, अनुसन्धान
प्रतिष्ठान नीस्वनेत प्रधानमन्त्रीपाखे
प्रतिवद्धता ला वल। तर उकिया
कार्यन्वयनय् यंकेत भी न्ह्यज्याय्माः।
लिसें मेमेगु माग पूर्वकेगु नितिं नं भी
छ्धी जुइमाःगु आवश्यकता दु।

नेपालभाषा मंकाःवः दूगु धुं खंवःत-१

नेपाःया म्हसीकानाप क्वात्तूग स्वापू दुपिं आदिवासी जनजाति नेवाःतसें ल्हाइगु भाय् नेपालभाषा खः । नेवाः धकाः म्हसीकीगु छ्मू मू आधार हे नेवाः भाय् अर्थात् नेपालभाषा खः । थ्व भाय् चीन सँय् क्प्लय त्दभत परिवारअन्तर्गत सँय् बर्मेली त्दभतय दगकबल कचाय् लानाच्चंगु भाय् खः । थ्व कचाया तिब्बती, बर्मेली, मणिपुरी, लिम्बु, लेप्चा व नेपालभाषा याना खुगू भाषा लिखित परम्परा दुगु भाषात खः ।

नेपालभाषा हरेक दृष्टिकोणं छगू समृद्ध भायु खः । नेपालभाषायु थु थु थायुबायु, थलबल, सिसाबुसा, लवःकवः, आर्थिक, सामाजिक, शैक्षिक, राजनैतिक, वैज्ञानिक, प्राविधिक आदि क्षेत्रया नां थःगु हे भाषां छुनातःगु दु । नेपालभाषाया खँग्वलयु मकाःग्वः दुगु खँग्वःत यक्व खनेदु । गथेकि



दानदास श्रेष्ठ
एमफिल-पीएचडी ब्वनामि, त्रिवि
नेपालभाषा केन्द्रीय विभाग

मंका:ग्व:	खँव:	माने	खँपुइ छ्यला
१.क्क	१.१ कक्कड	बजां	त:बा:नं कक्कड प्वांप्वां साल
	१.२ भ्नक्क	High Temper	वं अथेयायूसाथ जित:ला भ्नक्क तँ पिहाँवल
	१.३ भ्मक्क	सनिल	थौं त्यलं हे भ्मक्क द्य: खिउँल
	१.४ टक्क	दीगु	जिगु घडि टक्क दित
	१.५ पक्क	आतां	कला: खना: भातम्ह ला पक्क का
	१.६ छक्क	आश्चर्य	जि जाँचय् पास जूगु खना: जिमि मां ला छक्क का
	१.७ साक्क	स्वादिलो	जिमि जहानं साक्क जोरे याय् स:
	१.८ गाक्क	तन्न	जिं थौं ल: गाक्क त्वना
	१.९ लाक्क	सही	सामान लाक्क तयाब्यु खँ ला
	१.१० पाक्क	फरक	हिसाब पाक्क याय्मते न्हां
	१.११ ताक्क	संकेत	व मिसां जित: ताक्क यात
	१.१२ वाच्याक्क	मयइपुक थीगु	ध्याचलय् वाच्याक्क न्हुल
२.क्का	२.१ चक्का	चाकला:गु	थौं न्हिँच्छि चक्का जाम हं
	२.२ छक्का	हिजडा	हुं ला छक्का थें च्वं
	२.३ तक्का	धेबा	होटेलय् वनेत तक्का माल नि
	२.४ पक्का	निश्चय	थ्व मनू ला साब हे पक्का का
	२.५ भक्का	ला मदूगु मम:	लामा रिम्पोछेयात भक्का तसकं य:
	२.६ लक्काधक्का	चिन्ता, वास्ता	भा:तम्ह ला छुं हे लक्काधक्का मदुम्ह खनीका
३.क्कि	३.१ चक्कि	चाकला:चागु	न्हापान्हापा मसि चक्कि नायूका: आख: च्वइ
	३.२ नक्कि	मुक्का नकेगु	नक्कि ले नक्कि, छु स्वयाच्चनागु ?
	३.३ पक्कि	कच्चागु मखु	पक्कि ताँ धाल, लिगिलिगि सं
४. क्कु	४.१ कक्कु	ग:प:या ल्यूने	कक्कु तिना: छ्वावानाछ्व ले
	४.२ चक्कु	स्यांगि विशेष	चक्कु ला सिक्क हे ज्व: का

मंका:ख:	खँव:	माने	खँपुइ ह्यला
	४.३ धक्कु	धाक	म्वढ्रँ मदुम्हेसिया जाकिद्वंथा धक्कु का
	४.४ सव:भक्कु	हल्च्व भैल:द्य:	यँया:बलय् सव:भक्कु हइ
५.गु	५.१ खग्गु	चलाक	कृष्णचा ला साब हे खग्गु का
६.घ	६.१ सुग्घर	सफा	सफासुग्घर याय्गु हे निरोगि जुइगु ख:
७. च्च	७.१ कच्चा	बमला:गु	कच्चागु सामानं यक्व हे दु:ख बी य:
	७.२ खच्चड	ल्वाक:बुक:	वया काय् खच्चडथें च्वं
	७.३ घच्चायापु	लुइमखा:	बासिगु ला नय् हे घच्चायापु
	७.४ डिच्च	नक्कलि न्हिला	कला:म्ह डिच्च न्हिल
	७.५ थ्याच्च	फ्यतुइगु	मचा थ्याच्च फ्यतुल
	७.६ प्याच्च	काचाक्क	मांहेस्यां म्थ्याय्म्हेसित प्याच्च ब्व:बिल
८.ज्ज	८.१ मज्जा	आनन्द	चेस म्हितेगु तच्चकं मज्जा व:
	८.२ सज्जा	श्रृङ्गार	क्वथाया साजसज्जा तच्चकं बांला:
	८.३ लज्जा	शरम	भौमचा तच्चकं लज्जा चाल
	८.४ आज्जु	लक्ष्य	जिगु जिवनया आज्जु हे पिप्चडी ख:
	८.५ यज्जु	य:म्ह	जि यज्जु छ न्ह्याथाय् हुँ, जि अन हे दइ
९.ट्ट	९.१ च्वाट्ट	छक्वलं	नौनिनं लुसि च्वाट्ट ध्यन
	९.२ इवाट्ट	आकाभाकां	लँय् मचायात मामं इवाट्ट सालाकाल
	९.३ प्याट्ट	होसहास मदय्क	दाजुं केहँयात प्याट्ट दाल
	९.४ फ्याट्ट	उग्रिमय्	काय्मज्यू धाय्क धाय्कं फ्याट्ट किपा काल
	९.५ भ्याट्ट	चुलुइगु	मचा छम्ह ध्याचलय् भ्याट्ट दल
१०.ट्टा	१०.१ पट्टा	अधिकार पौ	पेन्सनपट्टा मदय्कं पेन्सन बी मखु
	१०.२ बट्टा	बक्स	सलाई बट्टाय् सलाई छपु हे मदु

ल्यं मेगु ल्याखय्

Binod Maharjan
9841369552, 9808644666

बि.आर्ट्स

B. Arts



B. Arts
Nayabazar, Kirtipur-17


Nayabazar, Kirtipur

☎ 4335491 ✉ b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

[illegible]





न्यायिक समितिया प्रभावकारीताय हाथ्या

सुनील महर्जन

”

उदयपुरया
ताप्लीगाउँपालिका
उपाध्यक्ष धना
मगरया कथं विवाद
ज्यंकेगु भवलय
पुलिसमार्फत
भगाडिया भिके याय्
दइगु वा मदइगु
धइगु न्हयसः
न्हयाबलें दनेगु
याःगु धयादिल ।
मेखे न्यायिक
निरुपण याय्बलय
वडाअध्यक्षनिसें मेयरं
'थथे निर्णय याय् अथे
निर्णय याय्' धकाः
निर्णय प्रभावित याय्
स्वइगु नं न्यायिक
सम्पादनय् मेगु
हाथ्या जूगु उपाध्यक्ष
मगरया धापू दु ।

स्थानीय तगिमय् कानून सम्बन्धी ज्ञान दुपिं दक्ष जनशक्ति मनुबलय् न्यायिक समिति प्रभावकारी जुइमफूगु खनेदु । स्थानीय तहया क्षेत्राधिकारय् लाःगु विवादया न्यायिक निरुपण याइगु न्यायिक समिति गठन जूसां कमजोर व्यवस्थापन क्षमता व न्यायिक ज्ञानया अभाव उगु समिति खास हे क्रियाशील जुइमफूगु खः । न्यायिक समितिया कार्यसम्पादनया लागिं साविकया छुं स्थानीय निकायबाहेक न्ह्यु गठन याःगु नगरपालिका, गाउँपालिकाय् कानून सम्बन्धी ज्ञान दुपिं कर्मचारीया अभाव दु । वलिसें माःगु व्यवस्थापकीय व भौतिक पूर्वाधारया अभाव, जनप्रतिनिधिया बेमेल, समितिबारे सर्वसाधारण मस्युगु थुज्वःगु हुनिं समितियात चलायमान दय्केफयाच्चंगु मदु ।

स्थानीय तहया निर्वाचन जूगु भिला बीधुंकलं नं न्यायिक समिति चलायमान जुइ मफयाच्चंगु रौतहटया माधवनारायण नगरपालिकाया उपप्रमुख निर्मलादेवी रमनं धयादिल । न्यायिक समितियात सक्रिय दय्केत कानून सम्बन्धी ज्ञान दुपिं कर्मचारी माःगु धासैं राजधानीइ जूगु निन्हया न्यायिक सम्मेलनय् ब्वति काःवःमह उपप्रमुख रमनं धयादिल, 'कानून सम्बन्धी ज्ञान दुपिं कर्मचारी मनुबलय् कानूनी सल्लाहकार तय्त् स्वयागु खः तर, थ्व विषयस न्ह्याक्व धाःसां मेयरं सुनुवाइ मयाः, मेखे मुद्दा नं खास हे मवः ।' छुं उजुरी वःसां मेयरं उकिया सुनुवाईया लागिं न्यायिक समितिइ मख्वःगु खँ न्हयथेंसैं उपमेयर रमनं न्यायिक समितिया अधिकार व्यवहारय् हय्त पलाःपतिकं पंगः दुगु धयादिल ।

सामान्य विवादय् नं अदालतय् वनेत छयाता बीपिं विचौलियातय् प्रभावं समितिइ उजुरी मवःगु अधिवक्ता प्रीति रमनया धापू दु । उमिसं विवाद ज्यंकाबी धकाः पीडिततय्के धेबा फवनेगु याःगु नं अधिवक्ता रमनं धयादिल । थज्याःगु अवस्थाय् अधिवक्ता रमनं न्यायिक समिति, मेलमिलापया माध्यमं विवाद ज्यंकासा याकनं नं जुइगु व धेबा नं मतुइगु धकाः स्थानीय दथुइ जनचेतना थनेमाःगु बिचाः तयादिल । संविधानया धारा २१७ अन्तर्गत गठित न्यायिक समितियात स्थानीय ल्वापुख्यापु, साँध सिमाना, घरेलु हिंसा थुज्वःगु विवादयात मेलमिलापमार्फत



निरुपण याय्गु जिम्मा स्थानीय शासन सञ्चालन ऐन ब्यूगु दु । अथे हे, ऐन २०७४ कथं समितिं निरुपण याय्गु कथंया विवादय् आलीधुर, बाँध, पैनी, कुलो वा पानीघाटया बाँडफाँट व उपयोग सम्बन्धी विषय लाः । मेपिनिगु बाली नोक्सानी, छैय् लहिनातःपिं पशुपंक्षी तंगु वा लूगु, जेष्ठ नागरिकया पालनपोषण व सुसाःकुसाः मयाःगु, नाबालक काय्मह्याय् वा कलाःभाःतयात इज्जत आमद कथं नय्पुने वा शिक्षादिकसा मब्यूगु विषय निरुपण याय्गु प्रकृतिया विवादय् लाः । नापें, थ्व कथंया विवादय् वार्षिक २५ लाख तकातक्कया बिगो दुगु छैबाः, व बाःसुविधा, मेम्ह मनुया छै, जग्गा वा सम्पत्तियात लिच्वः लाइगु कथं सिमा प्यूगु, थःगु छै वा बल्चां मेपिनिगु छै जग्गा वा सार्वजनिक लैय् लः क्वफाःगु अले सँधियारया जग्गाया इयाः तयाः छै दय्केमालीबलय् कानून कथं त्वःतेमाःगु जग्गा मत्वःतुगु केस नं लाः । संविधानं प्रत्येक नगरपालिकाय् उपप्रमुखया संयोजकत्वय् स्वम्ह दुजःया न्यायिक समिति गठन याय्माःगु उल्लेख दु ।

धनुषाया धनौजी गाउँपालिका उपाध्यक्ष रामवतीदेवी मण्डलं न्यायिक समिति न्ह्याकेगु जक मखसैं, उपाध्यक्षयात मेगु ज्या याय्त नं थाकूगु अनुभव न्यंकादिल । न्यायिक समितिया इजलासया लागिं भौतिक पूर्वाधारलिसें कानूनी ज्ञान दुपिं कर्मचारीया अभाव, कानूनी सल्लाहकार मदुगु थुज्वःगु पूर्वाधार बिना न्यायिक समिति न्ह्याकेत थाकूगु उपाध्यक्ष मण्डलया धापू दु । 'उपमेयर वा उपाध्यक्ष मेयर वा अध्यक्षया साक्षीया रुपं काय्गु याः । निक्वःगु खुसी उपाध्यक्ष

जुयागुलिं थजुइ, अनेक हाथ्यालिसे ल्वानाः मेलमिलापकर्तामार्फत विवाद समाधानयात प्रोत्साहित यानावयागु दु ।

थज्याःगु समस्या रौतहट, धनुषाय् जक मखसैं, दार्चुलाया शैल्यशिखर नगरपालिकाय् नं दु । उपमेयर लिसैं न्यायिक समितिया कजि शान्ति कठायतं नं स्थानीय तहय् खास हे उजुरी मवःगु धयादिल । विवाद, ल्वापु जुइबलय् नगरपालिकाया न्यायिक समितिइ उजुरी बीमाः धकाः खास हे चेत मवःनि धासैं उपमेयर कठायतं स्थानीय तहया न्हापांगु कार्यकालय् न्हयगू मुद्दा दर्ता जूगु कनादिल । दर्ता जूगु मुद्दा नं तामेलीइ तइगु धासैं उपमेयर कठायतं धयादिल, 'मामिला स्वयत्त कानूनी सम्बन्धी ज्ञान दुगु जनशक्ति मदु । उपमेयरं दक्वं ब्वनातःगु दइमखु । हदम्याद छु खः ?, हकदैया छु खः ? थुइकेत हे ई बी । मुद्दा वःसां पहाडी क्षेत्रय् भगाडिया भिके याय् थाकु, विपक्ष मवइगु समस्यां न्याय निरुपण याय्त थाकु ।' ऐनं उपमेयरयात न्यायिक समितिया कजि धाःसां उकिया व्यवस्थापकीय, जनशक्तिया लागिं मेयरया भरय् च्वनेगु स्थिति दुगु धासैं कठायतं स्थानीय सरकार सञ्चालन ऐन २०७४ संशोधन याय्माःगु धयादिल ।

उदयपुरया ताप्लीगाउँपालिका उपाध्यक्ष धना मगरया कथं विवाद ज्यंकेगु इबलय् पुलिसमार्फत भगाडिया भिके याय् दइगु वा मदइगु धइगु न्हयसः न्ह्याबलें दनेगु याःगु धयादिल । मेखे न्यायिक निरुपण याय्बलय् वडाअध्यक्षनिसें मेयरं 'थथे निर्णय याय्, अथे निर्णय याय्' धकाः निर्णय प्रभावित याय्त स्वइगु नं न्यायिक सम्पादनय् मेगु हाथ्या जूगु उपाध्यक्ष मगरया धापू दु । चुनावय् उपमेयरयात

न्यायाधीशया भाला बीगुलिसेंया खँ प्रचारया लागिं धाःसां व्यवहारय् अथे मज्जु बर्दियाया ठाकुरबाबा नगरपालिकाया उपमेयर बिना भट्टराई धयादिल । उजुरीत न्यायिक समितिइ खास हे मवइगु, कर्मचारी याकनं सरुवा जुइगु लिसेंया समस्या फय्मालाच्चंगु उपमेयर भट्टराई धयादिल । उगु नगरपालिकाय् भिला दुने २७ उजुरी दर्ता जूगुलिइ १० मेलमिलापं समाधान जूगु दु । वंगु आर्थिक दँया १० मुद्दा थ्व दँये सरे जुइधुंकाः मुक्कं ३७ मुद्दा दु । वःगु उजुरी नं घरेलुहिंसा, ज्याला मजदुरी सम्बन्धि विवाद, बहुविवाह थुज्वःगु दुगुलिइ अज्याःगु उजुरीत मेलमिलापमार्फत ज्यंकेत बः बियाच्चनागु वय्कलं धयादिल । भोटेकोशी गाउँपालिका उपाध्यक्ष दिछेन शेर्पा मेलमिलापकर्तामार्फत विवाद ज्यंकावयागु धासैं मेयर व कर्मचारीया ग्वहालि नं दुगु धयादिल । 'जिगु बिचारय् न्यायिक समितियात सबल, सशक्त दय्केत जनशक्ति, बजेटनिसें दक्वं बन्दोबस्त याय्माः' उपाध्यक्ष शेर्पा धयादिल ।

उपमेयरतय् बिचाः कथं न्यायिक समितिया दुजःया क्षमता थकाय्माःगु, समितिया कजियात आर्थिक अधिकार बीमाःगु, हरेक स्थानीय तहय् कानूनी ज्ञान दुपिं कर्मचारीत तय्माः । 'गुलिखे स्थानीय तहय् न्यायिक समितियात ब्यूगु क्षेत्राधिकार छ्यलेमफूगु अवस्थाय् दुसा गनं क्षेत्राधिकार क्वत्यःगु खनेदु । थज्याःगु अवस्थाय् देय्न्त्यकया स्थानीय तहया न्यायिक समितिया बिचाः ज्वःलाय्माः' यै महानगरपालिकाया न्यायिक समितिया कजि तर्क खःमह उपप्रमुख सुनीता ढंगोलं धयादिल ।

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटेरिङ पनि गरिन्छ ।

हारती मिठाई भण्डार

(इच्छा शाकाहारी)

कालिमाटी चोक, टंकेवर मार्ग, काठमाडौं ।

फोन नं : ०१-४३७२९९९, मो. ९८०३९८०६९९

यहाँ:-विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

देय् दबुलिं नेवाः छँ दनीगु



नेवाः तयगु राष्ट्रिय संगठन नेवाः देय् दबुलिं नेवाः छँ दय्कीगु जूगु दु। देय् दबुलिं छगू पत्रकार सम्मलेन यासँ नेवाः छँ दनेत्यनागु जानकारी ब्यूगु खः।

पत्रकार सम्मलेनमार्फत देय् दबूया नायः पवित्र बज्राचार्य हलिन्यंक च्वनाच्चापिं नेवाः तलिसँ थीथी खलःपुचः व दातातय्त नेवाः छँ दय्केगु नितिं ग्वहालि याय्त इनाप यानादिल।

प्रेस विज्ञप्ति ब्वनाः न्यंकुसँ बज्राचार्य विशिष्ट कला, संस्कृति, भाषा,

साहित्य संरक्षण, प्रवर्द्धन, नेवाः तय्त राजनीतिक आर्थिक, सामाजिक व सांस्कृतिक रुपं धिसिलाकेत, सचेत याय्त अले राज्यसत्ताय् थःपनिगु पहुँच व प्रतिनिधित्व सुनिश्चित याय्त नेवाः देय् दबू पलिस्था जूगु धयादिल।

नेवाः देय् दबुलिं नेवाः छँ धस्वाकेधुंकाः उगु छँयात केवल संस्थाया कार्यालय भवनय् जक सीमित याय्गु जुइमखु। सकल नेवाः समुदायया हित जुइगु ज्याय् छयलेगु आज्जु तयातयागु दु' बज्राचार्य धयादिल। बज्राचार्यया कथं नेवाः छँयात

नेपालभाषा, संस्कृति, साहित्य, लिपि, संस्कार आदि विषयलय् अध्ययन अनुसन्धान लगायत स्वास्थ्य, शिक्षा, कानूनी परापर्श आदि विषयलय् सुचना सेवा अःपुक बीगु केन्द्रया रूपय् छयलेगु योजना दु। लिसँ नेवाः छँयात नेवाः वसः, तिसालगायत दैनिक जनजीवनय् छयलीगु लवःकवःया प्रदर्शनी, भाषा, साहित्य छयलय् ज्वःमदुगु योगदान बियावीपिं भाषाट्यःमि साहित्यकःमि, न्हयलुवाः आदिपिनिगु किपा प्रदर्शनी, गोष्ठी, सभा समारोह, सेमिनार आदि संचालन याय्गु थाय्गु रूपय् नं छयलेगु, नियमित नेपालभाषा, परम्पराग, नृत्य, लिपि प्रशिक्षण, सीपमुलक तालिम आदि न्ह्याकेगु ज्याय् समेत बहुउपयोगी भवनया रुपं छयलेगु व छय्युकेत थाय् उपलब्ध याकेगु नं आज्जु तयातःगु दु।

यँ महानगरपालिका १५ वडाय् दय्कीगु उगु छँया नितिं च्यागू करोडया बजेट अनुमान यानातःगु दु। पत्रकार सम्मेलनय् दबूया सल्लाहकारद्वय डा.महेशमान श्रेष्ठ व डा. पुष्पराज राजकर्णिकारं नेवाः छँया डिजाइन उलेज्या यानादीगु खः।

स्थापित खलःया भिंप्प्यक्वःगु दँमुँज्या

स्थापित खलःया भिंप्प्यक्वःगु दँमुँज्या क्वचाःगु दु। उदाय् समुदाय दुने थीथी कवःमध्ये छगू स्थापित खलःया दँमुँज्या थनया पचली भैरव द्यःयाथाय् जूगु खः। ज्याइवलय् स्थापित समुदायं यानावःगु थीथी गतिविधि व ज्याइवःयात कःघानातःगु अनिल स्थापितया सम्पादनय् तयार जूगु खलःया ख्वाःपौया नं पितब्वज्या जूगु खः। लिसँ स्थापित समुदायया ज्याथःजिथिपित हंगु खः। ज्याइवलय् डा. प्रेमरत्न स्थापित, ज्ञानलक्ष्मी स्थापित, पूर्णरत्न स्थापित, रत्नशोभा स्थापित, रुपेन्द्ररत्न स्थापित, सानुरत्न स्थापित, माणिकरत्न स्थापित, अमलशोभा स्थापित, नन्दमान स्थापित,

सुशिला स्थापितयात नेवाः परम्पराकथं छयँय् सर्गलिसँ दोसल्ला न्यय्काः हंगु खः। दँमुँज्याया इवलय् शिक्षा छयलय् उत्कृष्ट ल्याः हःपित पदक व सिरपाः नं लःल्हाःगु खः। ज्याइवलय् एसईईनिसँ विद्यावारिधी याःपित संघरत्न दानमाया स्मृति सिरपाः, केशवदास हिरादेवी स्मृति सिरपाः, दानरत्न स्मृति सिरपाः, ज्योतिरत्न स्मृति सिरपाः, मोहनमान स्मृति सिरपाः, सानुरत्न स्मृति सिरपाः, रत्नकाजी सूर्यदेवी हना स्मृति सिरपाः, ज्ञानशोभा सरकारी जागीर हना व सुवर्णलक्ष्मी स्मृति दुजः हना लःल्हाःगु खः। ज्याइवलय् दछिया दुने दिवंगत जूपिं खलःया जःतय्गु लुमन्तिइ छगू मिनेट मौन धारण यासँ

श्रद्धान्जली प्वंकूगु खः। दँमुँज्याय् खलःया छ्याञ्जे ज्ञानेन्द्र स्थापित वार्षिक कार्यप्रगति विवरण व दांभरिं लक्ष्मण स्थापित आर्थिक विवरण न्हयब्वयादीगु खः।

ज्याइवलय् खलःया सल्लाहकार कृष्णहरी स्थापित, सुवर्णकाजी स्थापित, प्रेमकाजी स्थापित, नन्दरत्न स्थापित, श्रीदिगुख्यः गुथिया छ्याञ्जे प्रज्ञारत्न तुलाधर, तबः समाजया नायः सुर्यरत्न ताम्राकारलिसँ नं भितुनालिसँ थःथःगु खँ तयादीगु खः। अथेहे, खलःया नायः दीपक स्थापित, खलःया दुजः प्रमिल स्थापित खलकथं यानावःगु गतिविधि, योजना आदियात कयाः न्ववानादीगु खः।

एक कप चियादानया भिंस्वक्वःगु दँमुँज्या



‘एक कप चिया दान अभियान’या १३क्वःगु दँमुँज्या हंगु दु। निहं छगू कप च्याया मू बराबरया धेबा दान यानाः व बापतया धेबा असहाय दीनदुःखीतय्गु मिखाया वासः याय्गु आज्जु स्थापित अभियानया १३क्वःगु दँमुँज्या हंगु खः। युवा नेत्र सेवाया ग्वसालय् याःगु दँमुँज्या ज्याइवलय् साहित्यकार डा.

नवराज लम्सालं समाज सेवाया क्षेत्रय् युवा नेत्र सेवाया भूमिकायात च्वच्चसँ थःगु बिचाः तयादिल। संस्थाया नायः नेत्र विशेषज्ञ सिद्धार्थ रज्जितं गरिब असहाय दीनदुःखीया लागिं निहं छगू कप च्याया मू ज्वलज्वःया धेबा दान याइपिं ग्वहालिमिया ल्याः अप्यावंबलय् थःपिन्त थप हःपाः चूलाःगु धयादिल।

ज्याइवलय् न्हूपिं आजीवन दुजःलिसँ संस्था व अभियानयात ग्वहालि याःपिं थीथी व्यक्तित्वतय्त हंगु खः।

ज्याइवलय् सुरेन्द्र प्रसाद ढकाल प्रतिष्ठानं समाजय् थःगु सेवायात विस्तार यानायंकेत धासँ दँय् ३०द्वः तका ग्वहालि याय्गु घोषणा याःगु खः। डा. सविता श्रेष्ठ संस्थाया कोषय् १ लाख २० हजार तका ग्वहालि बियादिल।

भामा सेवाया छ्याञ्जे रोशन राज महर्जनं वार्षिक कार्य प्रगति प्रतिवेदन व दांभरिं शर्मिला डंगोलं आर्थिक प्रतिवेदन न्हयब्वयादिल। ज्याइवलय् नेपालया ‘मिखाया मणि’ रुपं म्हस्यूम्ह प्रा. रामप्रसाद पोखरेलया उपस्थिती दुगु खः।

२७ न्हयः स्थापित सेवां १३ दँ मिखा उपचारया लागिं “एक कप चिया दान अभियान” न्ह्याकूगु खः।

कोथुननि ल्यंकेत सांसदतय्त इनाप

असन कोथुननि बचाउ अभियान संघीय सांसद व बागमति प्रदेशया सांसदतय्त थःपिन्सं यानाच्चनागु आन्दोलनयाबारे जानकारी याकूगु दु। संघीय सांसद गणेश पराजुलीलिसँ प्रदेशसभा दुजःपिं नुरज बज्राचार्य, शैलेन्द्र बज्राचार्य व हरिप्रभा श्रेष्ठखड्गीपनिगु उपस्थितिइ असंया कोथुननिइ गुथि संस्थानं दय्केत्यंगु विजनेस कम्प्लेक्सयाबारे जानकारी याकूगु खः। सांसदतय्त लःल्हाःगु पत्रय् कोथुननिया सम्पदायात व्यापारिक

प्रयोजनया नितिं बीबलय् सम्पदालिसँ वलिसँ सम्बन्धित मूर्ति अमूर्त सम्पदा नष्ट जुइफइगु धासँ विजनेस कम्प्लेक्सया नक्सापास दिक्केमाःगु माग याःगु खः। ज्याइवलय् न्ववाय्गु इवलय् सांसद पराजुलीं संस्कृति व सम्पदा देय्गु हे सम्पत्ति जूगु धासँ उकियात संरक्षण याय्गु नितिं ठोस योजना दय्केमाःगु खँय् बः बियादीगु खः। उक्तथं हे प्रदेशसभा सांसद हरिप्रभा खड्गी श्रेष्ठ थः न्ह्याबलें नं संस्कृति सम्पदाया संरक्षण याय्माः धइगु पक्षय् दु धयादिल।

बुंगद्यःया...

आवश्यकता दनिला ?’ नायः शाक्यं धयादिल।

उखे, मूर्ति स्थापनाया पहल याःम्ह किपूया सुखी गःछँ समाजया छ्याञ्जे नारायण महर्जनं बुंगद्यः व किपूलिसे स्वाःगु परम्परा प्रवर्द्धन याय्त प्रतिमूर्ति स्थापना यानागु धयादी। थःपिन्सं पानेजु संघया परम्परा, मर्यादाय् ध्वकेमबीगु प्रतिबद्धता प्वंकुसँ छ्याञ्जे महर्जनं धयादिल, ‘सलंसः भक्तजनत साक्षी तयाः यलं यंकागु बुंगद्यः चीकाः गन तय्गु ? मेगु विकल्प छु छु जुइफइ धकाः पानेजुतर्पिलिसँ सहलह याय्त तयार दु। खुल्ला मनं संवादया लकस दय्केमाल।’

प्रतिमूर्ति दय्केत प्रथाजनित संस्था पानेजु जक मखसँ, गुठी संस्थानयाके नं स्वीकृति मकाःगु गुठी संस्थान यलया अध्यक्ष लछुना शर्मा काफ्ले धयादिल। बुंगद्यःया पुजा याय्त विशेष योग्यता माःगु व यःथाय् प्रतिमूर्ति स्थापना याय्मज्युगु धासँ अध्यक्ष काफ्ले अनं प्रतिमूर्ति चीकाः संस्थानं जिम्मा कयाः सुरक्षित तय्गु धयादिल।

थ्व हे दथुइ, पानेजुपिनिगु निरन्तर ताकेता धुंकाः प्रतिमूर्ति चीकेगु विभागया निर्णय पालना याय्गु व याकेगुलिइ यल महानगरपालिकाया मेयर चिरिबाबु महर्जनं व किपू नगरपालिकाया मेयर राजकुमार नकमी वंगु मंगलबाः जूगु सरोकारवालाया मुँज्याय् ल्हाःचिं तयादीगु खः। बैठकय् उपस्थित सुखी गःछँ समाजया प्रतिनिधित्व क्वत्यलाः निर्णय याय्त स्वःगु धासँ बैठकया अन्त्यपाखे पिहांवंगु खः।

प्यांगःथामय् याकः मिसायात स्वां छाःवनेगु जीवन्त संस्कृतियात पौभाः, अंगः च्वकिपा वा मेगु कलात्मक माध्यमं अभिव्यक्त यानाः पर्यटकीय आज्जुया रूपं प्रवर्द्धनया

लागिं निगुलिं नगरपालिका जाय्माःगु सरोकारवाला व च्यूताःमितय् छ्याता दु। उगु परम्परालिसे सम्बन्धित थीथी जनश्रुति, प्रचलित किम्बदन्ती मुंकाः पर्यटकयात लक्षित यानाः किपू नगरपालिका सफू पिथनेगु लिसंया उपाय लीफइगु उमिगु सुभाब दु।

सञ्चार क्षेत्र ...

जनताया सःयात मुखरित याय्फइगु बिचाः तयादिल। ‘सञ्चार क्षेत्रयात गुलि समावेशी दय्का यंकेफत, अन उलि अप्वः समुदायया प्रतिनिधित्व दइ व फक्व अप्वः जनताया सः, मुद्दां थाय् काय्त अःपुइ। अय्जुगुलिं सञ्चार क्षेत्र समावेशी दय्के हे माः धयागु जिगु नं मान्यता खः, जिं शुकी फक्व पहल याय्’ उपराष्ट्रपति यादवं धयादिल। नेपालया विविध भाषा, संस्कृति व संस्कार राष्ट्रिय एकताया भाव थकाय्गु महत्वपूर्ण माध्यम जूगु धासँ शुक्रिया संरक्षणया लागिं पत्रकारिता मार्फत योगदान बीमाःगु नं वय्कःया धापू दु। उपराष्ट्रपति यादवं नेपाली सञ्चार क्षेत्रया समावेशी व मातृभाषाया पत्रकारिताया विकासया लागिं पाय्छि नीति लीत नं थम्हं ध्यानाकर्षण याकेगु धयादिल।

व इवलय् पत्रकार राष्ट्रिय दबूयापाखें नायः नृपेन्द्रलाल श्रेष्ठ उपराष्ट्रपति यादवयात भित्तुनालिसंया हनापौ लःल्हानादिल। अथे हे, वरिष्ठ न्वकू सुनील महर्जनं समावेशी सञ्चारया सम्बन्धय् राज्यं याय्माःगु नीति, कार्यक्रमबारे कःघानातःगु ध्यानाकर्षणपौ उपराष्ट्रपति यादवयात बियादिल। पत्रकार दबूया मू छ्याञ्जे कृष्णकाजी (के.के.) मानन्धर, छ्याञ्जे राजु नापित, ल्यू छ्याञ्जे सुनीता महर्जनं प्रेस स्वतन्त्रताया उच्चतम अभ्यासया लागिं समावेशी व मातृभाषाया पत्रकारिताया विकास याय्माःगुलिइ केन्द्रीत यासँ थःथःगु बिचाः तयादीगु खः।

हरेक मंगलवार
राष्ट्रियताको लागि समर्पित

मेरो साप्ताहिक
मेरो साप्ताहिक **Mero Saptahik**

माला: माला: ब्वनादिसँ।

हलिन्यंक हलिं नेवा: दिं हन



दैंदस थें थुगुसी नं हलिन्यंक
ज्वीपिं नेवाःतय्सं थुगुसी नं मार्च
महिनाया लिपांगु शनिबाःया
हलिं नेवाः दिं कथं हंगु दु। वर्ल्ड
नेवाः अर्गनाइजेसन (डब्लुएनओ) या
आह्वानय् थुगुसी नं वंगु मार्च २३ या
दिनय् थीथी ज्याइवः यासें हलिन्यंक
हलिं नेवाः दिं हंगु खः ।

अमेरिकाया वाशिंगटन
डिसी, बाल्टिमोर, मेरिल्याण्ड,
सियाटल, बोस्टन, न्यूयॉर्क, शिकागो,
पोर्टल्याण्डलसें मेमेगु राज्य व शहरय
च्चीपिं नेवाःतयसं परम्परागत रुपं
नेवाः भव्य, नेवाः नसा ज्वलं, नेवा
प्याखं कयनेज्या, नेवाः लोकसंगीतया
प्रवर्द्धनया नितीं थीथी सांस्कृतिक
ज्याइवः, गोष्ठि सहलह आदि ज्याइवः

यानाः श्व दिवसयात थःथःगु कथं हंगु
खः ।

थुकथं हे क्यानाडा, न्युजिल्याण्ड,
स्पेन, पोर्चुगल, इजरायल, संयुक्त
अरब इमिरेट्स, हडकड, जर्मन
लगायत दर्जनौ देशय् च्वनाच्चीं
नेवाःतय्स नं थीथी ज्याइवः यासं थ्व
दिवसयात हंगु दुसा यैय् नं वसन्तपुलिङ
प्रधानमन्त्री पुष्कमल दाहालया प्रमुख
आतिथ्यताय् विशेष ज्याइवः यासं थ्व
दिवस हंगु खः ।

यै बाहेकं स्वनिगलं पिने द्वाल्खा,
चितवन, पोखरा आदि थासयू नं विश्व
नेवाः दिवस हंगु दु ।

थुखे बेलायतयू नेवाः मस्तयूत
नेवाः कला, संस्कृतिया बारे जानकारी
बीगू ल्याखं लण्डनस्थित ब्रिटिश

संग्रहालयया भ्रमण याकूगु खः । थुगु
संग्रहालयय् नेपाःया जक नीन्यासः
स्वयां अप्वः वस्तु, अभिलेख,
सांस्कृतिक, सामाजिक, पुरातात्विक
थीथी महत्वया वस्तुत दुगु विश्वास
यानातःगु दु ।

उक्तीमध्ये २३ गू धातु व
त्वहंया मूर्तिंत आः नं थन प्रदर्शनय्
तयातःगु दु। अन्तर्राष्ट्रिय स्तरय्
नेपाःया प्रतिनिधित्व याइगु थुपिं दक्कं
कलाया वस्तुत स्वनिगःया खय्माःगु
डब्लुएनओया नायः संयुक्त श्रेष्ठं
धयादीग दु।

उगु इलय् मस्तयूत संग्रहालय अवलोकन याकेगु नापं अन्तर्क्रिया नं या:गु खः । उगु इलय् नेपा:लिसें ज:लाख:ला देय् भारत, चीन, तिब्बत, पाकिस्तानलिसेंया कलाया सम्बन्ध, बौद्ध कलाकृति व सम्पदा, महापुरुषयात म्हसीकेगु व इमिगु लक्षण आदिबारे केन्द्रीत जुया: अन्तर्क्रिया या:गु खः । डब्लुएनओया नाय: श्रेष्ठ ग्वसा: ग्वयादीगु संग्रहालय अवलोकनया इलय् एसओएस विश्वविद्यालयया वरिष्ठ लेक्चरर डा. स्टेफानी लोटर, युनिभासर्टी कलेज अफ लण्डनया डा. उमा प्रधान, आर्किटेक्ट भवेश प्रधान सहजीकरण यानादीगु खः ।

स्टार अवार्डया औपचारिक समापन



अवाई त्याकामितयूत
दसिपौलिसें भितुना पौ अलेग्वहालितयूत
सुभाय पौ ब्युसें नेपालभाषा स्टार
म्यूजिक भिडियो अवाईसया निगू
संस्करणया औपचारिक समापन जू
दु । शुक्रबाः ख्वपयू छू समारोह यासें
नेपालभाषा स्टार म्यूजिक भिडियो
अवाईस ११४३ या समापन याःगु
खः । अवाईसया निगू संस्करणया
सकतां ज्याइवः क्वचाःगु घोषणा
यासें ग्वसाः खलः संसार क्रिएशन्सया
क्रिएटिभ डाइरेक्टर स्वतन्त्र महर्जन
अवाईसया स्वंगु संस्करणया ग्वसाः
ग्वयूत सकसिगु साथ व ग्वहालि दइगु

अपेक्षा प्वाकादिल ।
ज्याइवलय् अवाई त्याकामि व
सम्मानित जूपिन्त संसार त्रिपुसन्सपाखें
दसिपौ ब्यूगु खःसा आर.बि.
फिल्मस्पाखें भिंतुनापौ ब्यूगु खः ।
लिसें ज्याइवलये थीथी कथं ग्वहालि
याःपिं ग्वहालिमि व प्रायोजकतय्त नं
दसिपौ लःल्हाःगु खः । वरिष्ठ सिने
पत्रकार विजयरत्न असंबरें दसिपौ
लःल्हानादिल सा भक्तपुर इन्टरनेशनल
हस्पिटलया न्वकू अशोक कुमार श्रेष्ठं
भिंतुना पौ लःल्हानादिल । आर. बि.
फिल्मसया प्रवन्ध निर्देशक रविन्द्र शाही
खादा न्यय्कादिल ।

सचेत नागरिकको पुण्य काम, मृत्युपछि अंगदान ।

- मानिस जीवित हुँदा आफैले र मृत्युपछि आफन्तले अंगदान गर्न सक्छन् ।
- मृत शरीरको दुईवटा मृगौला, दुईवटा फोक्सो, मुटु, कलेजो, प्याड्रिक्रियाज र सानो आन्द्रा समेतको अंगदान गरी आठ जनासम्मको ज्यान बचाउन सकिन्छ ।
- मस्तिष्क मृत्यु (Brain Death) भएका व्यक्तिको पनि अंग लिन मिल्छ ।



नेपाल सरकार

विज्ञापन बोर्ड

किपा च्वज्या धेंधेंबल्ला:या सिरपा: ल:ल्हात

खुक्वःगु हलिं नेवाः दिंया
लसताय् हलिं नेवाः दबू नेपाः
देय् मूक्वःया ग्वसालय् किपा च्वज्या
धेधेंबल्लाखय् न्हाप लाःपिं ब्वमिपिन्त
सोमवाः छू ज्याइवःया दथुइ सिरपाः
लःल्हात । जगत सुन्दर ब्वनेकुथिइ
जूगु किपा च्वज्या धेधेंबल्लाखय्
यूक्जीनिसें ९ तगितकया २१५ म्ह
ब्वमिपिसं ब्वतिकाःगु खः । हलिं
नेवाः दिंया लसताय् जूगु ज्याइवल्य्
सुरेन्द्रभक्त श्रेष्ठ सभापतित्वय् जूगु
ज्याइवल्य् मूपाहाँकथं समाजसेवी
सुरबहादुर श्रेष्ठ भायादीगु खः ।

सिरपा: त्याकूपिन्त जगतसुन्दर
व्वनेकुथिया प्रिन्सिपल सुनिता मानन्धरं



खादा क्वखाय्कादीगु खःसा नायः
श्रेष्ठं मेडल व मूपाहाँ सुरबहादुर श्रेष्ठं
दसिपौ लःल्हाःगु खः ।

हलिं नेवाः दिंया कजि
रमेशमान मुनिकारं लसकुस न्वचु
बियादीगु ज्याइवल्यु केन्द्रीय महासचिव

शोभित शाक्य, किपा च्वज्याया कजि
सुनिता मानन्धर, निर्णायक कीमटीया
कजि चन्दा श्रेष्ठ, दबूया पुलांम्ह नायः
शाक्य सुनेन व साहित्यिक एन्वेसडर
लोककवि राजभाई जकःमिजुपिसं नुनः
खँ तयादीगु खः ।




छत्रपाटी निःशुल्क चिकित्सालय (अस्पताल)

“सारीय सुलभ स्वास्थ्य सेवा सकसियां निति, असहायया निति जक निःशुल्क”





उपलब्ध सेवा

२४सी घण्टा सेवा

- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मीनिब्रिन्
- क्लरन पबेरी
- नाक हात घाँटी लम्बान्ध
- हाडजोनी तथा गला लम्बान्ध
- शिवा विरकार फिलाज लीको पम्बर लम्बान्ध

बहिरंग सेवा

- मुह रोग
- पेट रोग
- प्रोक्लीजी
- स्त्री रोग
- बाल रोग
- कपान्सर रोग
- दन्त रोग
- अक्षिा रोग
- जनरल मेडिसिन
- नर्व तथा यीन रोग
- नाक कान घाँटी रोग
- जनरल हेल्थ चेक अप
- थाइरोइड
- मधुमेह

मेमेन्ग सेवा

- ठुसिङ
- इण्डोस्कोपी
- कोलोनास्कोपी
- फिजियोथेरापी
- अल्ट्रासाउण्ड, कन्ट्र डनर र इको
- प्रोपेनी स्तरको दन्त प्रयोगशाला
- टि.एच.टि. इन्टर

२४ घण्टा

ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९.